

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-23183-1/13.
Zenica, 08.11.2013. godine

Z A P I S N I K
sa 133. sjednice Vlade Zeničko-dobojskog kantona održane 07.11.2013. godine

Sjednica je održana u sali 109, prvi sprat u zgradi Kantona, dana 07.11.2013. godine u trajanju od 13⁰⁰ do 13⁴⁷ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Sabina Heljić, ministrica Ministarstva finansija,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Senka Balorda, ministrica Ministarstva zdravstva,
9. Edin Terzić, ministar Ministarstva za prostorno uređenje, promet i komunikacije i zaštitu okoline.

Sjednici su prisustvovali i:

1. Haris Hrgić, pomoćnik sekretara Vlade,
2. Kadić Mirsad, sekretar Sekretarijata za zakonodavstvo,
3. Ivica Mandura, savjetnik Premijera Zeničko-dobojskog kantona,
4. Jasminka Ahmetpahić, viši stručni saradnik za poslove informisanja u Uredu premijera,
5. Alma Hrnjić, zapisničar.

Opravdano odsutan:

1. Nedžad Lokmić, ministar Ministarstva za boračka pitanja.

Premijer je stavio na diskusiju predloženi

D N E V N I R E D :

1. Prijedlog Zakona o socijalno-neprofitnom stanovanju Zeničko-dobojskog kantona, sa Prijedlogom Zaključka o utvrđivanju;

2. Prijedlog Zaključka o odobravanju novčanih sredstava Udruženju paraplegičara i oboljelih od dječije paralize Zenica, na ime pomoći za organizaciju svečane sjednice u povodu Međunarodnog dana osoba s invaliditetom;
3. Inicijativa za donošenje Zakona o izmjeni i dopuni Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10 i 11/12), sa Prijedlogom Zaključka o utvrđivanju;
4. Inicijativa Senaida Begića, poslanika u Skupštini Zeničko-dobojskog kantona za izmjenu Zakona o JU Univerzitet u Zenici („Službene novine Zeničko-dobojskog kantona“, broj: 6/05, 11/06, 6/09, 10/11, 16/11 i 15/12), sa Prijedlogom Zaključka o djelimičnom prihvatanju;
5. Inicijativa Senaida Begića, poslanika u Skupštini Zeničko-dobojskog kantona, za izmjenu Zakona o visokom obrazovanju („Službene novine Zeničko-dobojskog kantona“, broj 6/09 i 9/13), sa Prijedlogom Zaključka o prihvatanju;
6. Prijedlog Odluke o preraspodjeli rashoda planiranih u Budžetu Zeničko-dobojskog kantona za 2013. godinu za budžetskog korisnika iz nadležnosti Ministarstva za obrazovanje, nauku, kulturu i sport za JU Univerzitet u Zenici;
7. Prijedlog Odluke o uvećanju sredstava u Budžetu Zeničko-dobojskog kantona za 2013. godinu, budžetskog korisnika Ministarstva za obrazovanje, nauku, kultruru i sport, uplaćena sredstva od strane UNICEF-a, na ime realizacije Projekta „Inkluzivno obrazovanje“ koje se provodi u okviru Programa „Integrirani i inkluzivni sistemi za djecu“.
8. Prijedlog Odluke o uvećanju sredstava u Budžetu Zeničko-dobojskog kantona za 2013. godinu, budžetskog korisnika iz nadležnosti Ministarstva za obrazovanje, nauku, kultruru i sport, za „Mješovitu srednju školu Zavidovići“ Zavidovići;
9. Prijedlog Odluke o uvećanju sredstava u Budžetu Zeničko-dobojskog kantona za 2013. godinu, budžetskog korisnika iz nadležnosti Ministarstva za obrazovanje, nauku, kultruru i sport, za JU OŠ „Edhem Mulabdić“ Zenica;
10. Prijedlog Zaključka o odobravanju novčanih sredstava na ime nabavke vakcina protiv gripe;
11. Prijedlog Zaključka o odobravanju novčanih sredstava Alić Hamzi, članu Atletskog kluba „Zenica“, na ime učešća Vlade Zeničko-dobojskog kantona u rješavanju stambenog pitanja;
12. Prijedlog Zaključka o odobravanju novčanih sredstava Karate klubu „Rei“ iz Zenice na ime finansijske podrške za odlazak Aličković Ajne na Svjetsko prvenstvo u karateu u Pragu;
13. Prijedlog Zaključka o odobravanju novčanih sredstava Međureligijskom vijeću u Bosni i Hercegovini-Odboru za međureligijsku saradnju u Zenici, na ime pomoći u organizaciji humanitarne utakmice;
14. Prijedlog Odluke o odobravanju finansijskih sredstava-subvencioniranje troškova certifikacije energetske efikasnosti građevinskog objekta Farma „AMK“ vl. Krivić Mevludin i Krivić Arslan u Zenici

Članovi Vlade su se usaglasili sa predloženom dopunom i izmjenom dnevnog reda tako da je za sjednicu jednoglasno usvojen sljedeći:

DNEVNI RED :

1. Prijedlog Zakona o socijalno-neprofitnom stanovanju Zeničko-dobojskog kantona, sa Prijedlogom Zaključka o utvrđivanju;
2. Prjedlog Zaključka o odobravanju novčanih sredstava Udruženju paraplegičara i oboljelih od dječije paralize Zenica, na ime pomoći za organizaciju svečane sjednice u povodu Međunarodnog dana osoba s invaliditetom;
3. Inicijativa za donošenje Zakona o izmjeni i dopuni Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10 i 11/12), sa Prijedlogom Zaključka o utvrđivanju;

4. Inicijativa Senaida Begića, poslanika u Skupštini Zeničko-dobojskog kantona za izmjenu Zakona o JU Univerzitet u Zenici („Službene novine Zeničko-dobojskog kantona“, broj: 6/05, 11/06, 6/09, 10/11, 16/11 i 15/12), sa Prijedlogom Zaključka o djelimičnom prihvatanju;
5. Prijedlog Odluke o uvećanju sredstava u Budžetu Zeničko-dobojskog kantona za 2013. godinu, budžetskog korisnika Ministarstva za obrazovanje, nauku, kultruru i sport, uplaćena sredstva od strane UNICEF-a, na ime realizacije Projekta „Inkluzivno obrazovanje“ koje se provodi u okviru Programa „Integrirani i inkluzivni sistemi za djecu“.
6. Prijedlog Odluke o uvećanju sredstava u Budžetu Zeničko-dobojskog kantona za 2013. godinu, budžetskog korisnika iz nadležnosti Ministarstva za obrazovanje, nauku, kultruru i sport, za „Mješovitu srednju školu Zavidovići“ Zavidovići;
7. Prijedlog Odluke o uvećanju sredstava u Budžetu Zeničko-dobojskog kantona za 2013. godinu, budžetskog korisnika iz nadležnosti Ministarstva za obrazovanje, nauku, kultruru i sport, za JU OŠ „Edhem Mulabdić“ Zenica;
8. Prijedlog Zaključka o odobravanju novčanih sredstava na ime nabavke vakcina protiv gripe;
9. Prijedlog Zaključka o odobravanju novčanih sredstava Alić Hamzi, članu Atletskog kluba „Zenica“, na ime učešća Vlade Zeničko-dobojskog kantona u rješavanju stambenog pitanja;
10. Prijedlog Zaključka o odobravanju novčanih sredstava Karate klubu „Rei“ iz Zenice na ime finansijske podrške za odlazak Aličković Ajne na Svjetsko prvenstvo u karateu u Pragu;
11. Prijedlog Zaključka o odobravanju novčanih sredstava Međureligijskom vijeću u Bosni i Hercegovini-Odboru za međureligijsku saradnju u Zenici, na ime pomoći u organizaciji humanitarne utakmice;
12. Prijedlog Odluke o odobravanju finansijskih sredstava-subvencioniranje troškova certifikacije energetske efikasnosti građevinskog objekta Farma „AMK“ vl. Krivić Mevludin i Krivić Arslan u Zenici
13. Prijedlog Zaključka o izuzimanju od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec oktobar 2013. godine, na ime pokrivanja troškova prethodnog stečajnog postupka nad JU “Dom penzionera” Zenica,
14. Prijedlog Odluke o dopuni Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona – Prečišćeni tekst (“Službene novine Zeničko-dobojskog kantona broj: 2/11 i 14/11).
15. Prijedlog Zaključka o izuzimanju od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec novembar 2013. godine Ministarstva za obrazovanje, nakuku, kulturu i sport „Tekući transfer za sport“.

Prva tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji je učestvovala ministarica Ministarstva finansija.

Vlada je jednoglasno donijela Zaključak kojim se utvrđuje Prijedlog Zakona o socijalno-neprofitnom stanovanju Zeničko-dobojskog kantona. Prijedlog Zakona iz tačke I. ovog zaključka, upućuje se u dalju skupštinsku proceduru. Zaključak stupa na snagu danom donošenja.

Druga tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji je učestvovala ministarica Ministarstva zdravstva.

Vlada je jednoglasno donijela Zaključak kojim se odobravaju Udruženju paraplegičara i oboljelih od dječije paralize Zenica sredstva u iznosu od 1.000,00 KM (slovima: hiljadu

konvertibilnih maraka), kao pomoć od značaja za organizaciju svečane sjednice u povodu Međunarodnog dana osoba sa invaliditetom.

Sredstva iz tačke I. ovog zaključka isplatit će se iz Budžeta Zeničko-dobojskog kantona za 2013. godinu (“Službene novine Zeničko-dobojskog kantona”, broj: 19/12), razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

Sredstva će biti uplaćena Udruženju paraplegičara i oboljelih od dječije paralize Zenica na račun broj: 1340100000089360, otvoren kod Investiciono komercijalne banke Zenica.

Zadužuje se Udruženje paraplegičara i oboljelih od dječije paralize Zenica da Ministarstvu za rad, socijalnu politiku i izbjeglice podnese izvještaj o namjenskom utrošku sredstava iz tačke I. ovog zaključka.

Zadužuju se Ministarstvo za rad, socijalnu politiku i izbjeglice i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dala je Romana Brkić, ministrica Ministarstva za pravosuđe i upravu.

U diskusiji su učestvovali; Premijer Zeničko-dobojskog kantona, ministar Ministarstva za prostorno uređenje, promet i komunikacije i zaštitu okoline i ministar Ministarstva za rad, socijalnu politiku i izbjeglice.

Vlada je jednoglasno donijela Zaključak kojim se utvrđuje Inicijativa za donošenje Zakona o izmjeni i dopuni Zakona o plaćama i naknadama u organima vlasti Federacije Bosne i Hercegovine („Službene novine Federacije BiH“, broj 45/10 i 11/12). Inicijativa iz tačke I. ovog zaključka, upućuje se u dalju skupštinsku proceduru. Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

U diskusiji je učestvovala ministarica Ministarstva finansija.

Vlada je jednoglasno donijela Odluku kojom se odobrava preraspodjela rashoda planiranih u Budžetu Zeničko-dobojskog kantona za 2013. godinu za budžetskog korisnika iz nadležnosti Ministarstva za obrazovanje, nauku, kulturu i sport-Univerzitet u Zenici.

Preraspodjela rashoda vršit će se na sljedeći način:

- na razdjelu 22, budžetska organizacija 04, potrošačka jedinica 0010 – Univerzitet u Zenici, umanjuju se rashodi planirani iz vlastitih sredstava na poziciji 613900 MCC 901 – Izdaci po osnovu privremenih i povremenih poslova za 391.239,00 KM,

- na razdjelu 22, budžetska organizacija 04, potrošačka jedinica 0010 – Univerzitet u Zenici, uvećavaju se rashodi planirani iz vlastitih sredstava na poziciji 614800 – Izvršenje rješenja o izvršenju za 391.239,00 KM.

- na razdjelu 22, budžetska organizacija 04, potrošačka jedinica 0010 – Univerzitet u Zenici, umanjuju se rashodi planirani iz budžetskih sredstava na poziciji 821200 – Nabavka građevina za 450.000,00 KM,

- na razdjelu 22, budžetska organizacija 04, potrošačka jedinica 0010 – Univerzitet u Zenici, uvećavaju se rashodi planirani iz budžetskih sredstava na pozicijama:

613500 - Izdaci za prevoz i gorivo za 3.000,00 KM

613600 - Unajmljivanje imovine i opreme za 7.000,00 KM

613700 - Izdaci za tekuće održavanje za 35.000,00 KM

613900 MCC 901 - Izdaci po osnovu privremenih i povremenih poslova za 405.000,00 KM

Ukupno: 450.000,00 KM.

Preraspodjela iz člana 2. ove odluke biće sastavni dio Izmjena i dopuna Budžeta Zeničko-dobojskog kantona za 2013. godinu.

Prilikom plaćanja stvorenih obaveza budžetskih korisnika, prioritet u plaćanju imaju proknjižene obaveze iz vlastitih sredstava Univerziteta u Zenici po osnovu glavnog duga iz Rješenja Porezne uprave Federacije BiH, Kantonalni porezni ured Zenica, o pokretanju postupka prinudne naplate, broj: 13-4-01-15-21-156-01/13-S.A. od 28.01.2013. godine, do konačnog izmirenja obaveze.

Zadužuju se Ministarstvo finansija-Odsjek za planiranje i izvršenje budžeta, Ministarstvo za obrazovanje, nauku, kulturu i sport i Univerzitet u Zenici, u skladu sa zakonom i podzakonskim aktima realizuju ovu odluku svako u okviru svojih nadležnosti. Odluka stupa na snagu narednog dana od dana objavljivanja u «Službenim novinama Zeničko-dobojskog kantona».

Peta tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2013. godinu

Odobrava se uvećanje sredstava u Budžetu Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12) za Ministarstvo za obrazovanje, nauku, kulturu i sport.

Uvećanje sredstava u Budžetu Zeničko-dobojskog kantona za 2013.godinu, vrši se na slijedeći način:

- a) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, sredstva na poziciji 613400 – Nabavka materijala, Plan izdaci iz donacija 2013. godina, uvećavaju se za 1.810,00 KM,
- b) na razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, sredstva na poziciji 613900 – Ugovorene i druge posebne usluge, Plan izdaci iz donacija 2013. godina, uvećavaju se za 54.937,00 KM,
- c) u Budžetu Zeničko-dobojskog kantona za 2013. godinu u dijelu A. PRIHODI u koloni Plan 2013. godina, sredstva na poziciji 722751 – Primljene namjenske donacije neplanirane u budžetu, uvećavaju se za 56.747,00 KM.

Uplaćena sredstva od strane UNICEF-a, Ministarstvo za obrazovanje, nauku, kulturu i sport će utrošiti za realizaciju Projekta „Inkluzivno obrazovanje“ koje se provodi u okviru Programa „Integrirani i inkluzivni sistemi za djecu“.

Ministarstvo je dužno sačiniti izvještaj o namjenskom utrošku sredstava i isti dostaviti Ministarstvu finansija najkasnije 7 (sedam) dana nakon realizacije Programa.

Zadužuju se Ministarstvo za obrazovanje, nauku, kulturu i sport i Ministarstvo finansija, da u skladu sa zakonom i podzakonskim aktima realizuju ovu odluku, svako u okviru svoje nadležnosti. Ova Odluka stupa na snagu narednog dana od dana objavljivanja u «Službenim novinama Zeničko-dobojskog kantona».

Šesta tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2013. godinu

Odobrava se uvećanje sredstava u Budžetu Zeničko-dobojskog kantona za 2013. godinu („Službene novine Zeničko-dobojskog kantona“, broj 19/12) za budžetskog korisnika iz nadležnosti Ministarstva za obrazovanje, nauku, kulturu i sport – Mješovita srednja škola Zavidovići.

Uvećanje sredstava u Budžetu Zeničko-dobojskog kantona za 2013.godinu, vrši se na slijedeći način:

- a) na razdjelu 22, budžetska organizacija 03, potrošačka jedinica 0016 – Mješovita srednja škola Zavidovići, sredstva na poziciji 821300 – Nabavka opreme, Plan izdaci iz donacija 2013. godina, uvećavaju se za 2.902,84 KM,

b) u Budžetu Zeničko-dobojskog kantona za 2013. godinu u dijelu A. PRIHODI u koloni Plan 2013. godina, sredstva na poziciji 731111 – Primljeni tekući transferi od inozemnih vlada, uvećavaju se za 2.902,84 KM.

Uplaćena sredstva od strane Ambasade Slovačke Republike u Sarajevu, škola će utrošiti za opremanje učionica u svrhu stvaranja uvjeta za uvođenje novog stručnog zvanja „Tehničar za mehatroniku“.

Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Zadužuju se Ministarstvo za obrazovanje, nauku, kulturu i sport i Ministarstvo finansija da u skladu sa zakonom i podzakonskim aktima realizuju ovu odluku, svako u okviru svojih nadležnosti. Ova Odluka stupa na snagu narednog dana od dana objavljivanja u «Službenim novinama Zeničko-dobojskog kantona».

Sedma tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Odluku o uvećanju sredstava u Budžetu Zeničko-dobojskog kantona za 2013. godinu

Odobrava se uvećanje sredstava u Budžetu Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12) za budžetskog korisnika iz nadležnosti Ministarstva za obrazovanje, nauku, kulturu i sport – Osnovna škola „Edhem Mulabdić“ Zenica.

Uvećanje sredstava u Budžetu Zeničko-dobojskog kantona za 2013.godinu, vrši se na slijedeći način:

c) na razdjelu 22, budžetska organizacija 02, potrošačka jedinica 0050 – Osnovna škola „Edhem Mulabdić“ Zenica, sredstva na poziciji 821300 – Nabavka opreme, Plan izdaci iz donacija 2013. godina, uvećavaju se za 500,00 KM,

d) u Budžetu Zeničko-dobojskog kantona za 2013. godinu u dijelu A. PRIHODI u koloni Plan 2013. godina, sredstva na poziciji 722751 – Primljene namjenske donacije neplanirane u budžetu, uvećavaju se za 500,00 KM.

Uplaćena sredstva od strane BH Telecom dd Zenica, škola će utrošiti za nabavku računara.

Škola je dužna sačiniti izvještaj o namjenskom utrošku sredstava i isti dostaviti resornom Ministarstvu najkasnije 7 (sedam) dana nakon utroška sredstava.

Zadužuju se Ministarstvo za obrazovanje, nauku, kulturu i sport i Ministarstvo finansija da u skladu sa zakonom i podzakonskim aktima realizuju ovu odluku, svako u okviru svojih nadležnosti. Ova Odluka stupa na snagu narednog dana od dana objavljivanja u «Službenim novinama Zeničko-dobojskog kantona».

Osma tačka dnevnog reda

Obrazloženje za ovu tačku dnevnog reda dala je Senka Balorda, ministrica Ministarstva zdravstva.

U diskusiji je učestvovao ministar Ministarstva za poljoprivredu, šumarstvo i vodoprivredu.

Vlada je jednoglasno donijela Zaključak kojim se odobravaju sredstva u visini od 25.000,00 KM (slovima:dvadesetpethiljada konvertibilnih maraka) za nabavku vakcina protiv gripe.

Sredstva iz tačke I ovog Zaključka isplatit će se iz sredstava Budžeta Zeničko dobojskog kantona za 2013. godinu razdjel 21-Ministartvo zdravstva, budžetska organizacija 01, potrošačka jedinica 0001, ekonomski kod 614300, subanalitika LAX 0001-„Tekući transfer za nabavku vakcina“.

Zadužuje se Kantonalni zavod za javno zdravstvo Zenica da izvrši nabavku.

Zadužuju se Ministarstvo zdravstva, Ministarstvo finansija i Kantonalni Zavod za javno zdravstvo, da u skladu sa zakonom i podzakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

Deveta tačka dnevnog reda

Obrazloženje za ovu tačku dnevnog reda dao je Munib Husejnagić, premijer Zeničko-dobojskog kantona.

Vlada je jednoglasno donijela Zaključak kojim se odobravaju sredstva Alić Hamzi, članu Atletskog kluba „Zenica“ iz Zenice u iznosu od 30.000,00 KM (slovima: tridesethiljada konvertibilnih maraka), na ime učešća Vlade Zeničko-dobojskog kantona sa 1/3 od vrijednosti stana u trajnom rješavanju stambenog pitanja Hamze Alića.

Odobrena sredstva iz tačke I. ovog Zaključka isplatit će se iz Budžeta Zeničko-dobojskog kantona za 2013. godinu („Službene novine Zeničko-dobojskog kantona“, broj 19/12), Ured premijera, razdjel 11, budžetska organizacija 01, potrošačka jedinica 0001, ekonomski kod 614200(BCD203), pozicija “Transfer pojedincima”

Sredstva uplatiti na transakcijski račun Alić Hamze iz Zenice broj: 161 055 0000000 032 - 095509987-4 otvorenog kod Raiffeisen bank dd BiH, Filijala Zenica.

Zadužuju se Ured Premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti.

Obavezuje se korisnik sredstava da Uredu premijera Zeničko-dobojskog podnese izvještaj o utrošku sredstava u roku od 30 dana po utrošku sredstava. Zaključak stupa na snagu danom donošenja.

10. tačka dnevnog reda

Obrazloženje za ovu tačku dnevnog reda dao je Munib Husejnagić, premijer Zeničko-dobojskog kantona.

Vlada je jednoglasno donijela Zaključak kojim se odobravaju sredstva Karate klubu “Rei” iz Zenice u iznosu od 500,00 KM (slovima: petstotina konvertibilnih maraka), na ime finansijske podrške za odlazak takmičarke kluba Aličković Ajne na Svjetsko prvenstvo u karateu koje će se održati u Pragu (Češka republika).

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2013. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija “Transfer neprofitnim organizacijama”.

Sredstva uplatiti na transakcijski Karate klubu “Rei” iz Zenice, broj: 102 010 00000 48712, otvorenog kod Union banke dd, Filijala Zenica. Zadužuju se Ured premijera i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Korisnik sredstava je dužan resornom ministarstvu najkasnije tri mjeseca po primitku sredstava dostaviti izvještaj o namjenskom utrošku sredstava. Zaključak stupa na snagu danom donošenja.

11. tačka dnevnog reda

Obrazloženje za ovu tačku dnevnog reda dao je Munib Husejnagić, premijer Zeničko-dobojskog kantona.

Vlada je jednoglasno donijela Zaključak kojim se odobravaju sredstva Međureligiskom vijeću u Bosni i Hercegovini - Odboru za međureligijsku saradnu/suradnju u Zenici u iznosu od 500,00 KM (slovima: petstotina konvertibilnih maraka), na ime finansijske podrške za organizaciju humanitarne utakmice reprezentacija Roma Republike Hrvatske i vjerskih službenika iz Zenice.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2013. godinu, sa razdjela 11, Ured premijera, budžetska organizacija 01, potrošačka jedinica 0001, ekonomski kod 614300, pozicija “Transfer neprofitnim organizacijama”.

Sredstva uplatiti na transakcijski račun Međureligiskog vijeća u Bosni i Hercegovini, Sarajevo, broj: 161 00000 3981 0072, otvorenog kod Raiffeisen bank dd BiH Sarajevo sa naznakom „Odbor za međureligijsku saradnu/suradnju u Zenica“.

Zadužuju se Ured premijera i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Korisnik sredstava je dužan resornom

ministarstvu najkasnije tri mjeseca po primitku sredstava dostaviti izvještaj o namjenskom utrošku sredstava. Zaključak stupa na snagu danom donošenja.

12. tačka dnevnog reda

Obrazloženje za ovu tačku dnevnog reda dao je Muhamed Husić, ministar Ministarstva za privredu.

Vlada je jednoglasno donijela Odluku o odobravanju finansijskih sredstava-subvencioniranje troškova certifikacije energetske efikasnosti građevinskog objekta Farma „AMK“ vl. Krivić Mevludin i Krivić Arslan u Zenici

Odobravaju se finansijska sredstva – subvencija troškova certifikacije energetske efikasnosti građevinskih objekata za Farmu „AMK“ vlasnika Krivić Mevludina i Krivić Arslana iz Zenice u iznosu od 17.928,00 KM (slovima: sedamnaest hiljadadevetstotinadvadesetosam konvertibilnih maraka), na ime refundacije troškova certifikacije energetske efikasnosti za izgrađeni objekat proizvodne površine 896,40 m², namjenjen za tov pilića, u općini Zenica.

Odobrena sredstva iz tačke I. ove odluke isplatit će se iz Budžeta Zeničko-dobojskog kantona za 2013. godinu, razdjel 18, budžetska organizacija 01, potrošačka jedinica 0001, ekonomski kod 614 100 – IAD002, pozicija „Realizacija projekata Vlade koji se finansiraju iz prihoda od koncesija“, na žiro-račun broj: 3385802221244492 kod UniCredit Bank d.d. – Filijala Zenica.

Zadužuju se Ministarstvo za privredu i Ministarstvo finansija da, u skladu sa zakonom i podzakonskim aktima, realizuju ovu odluku svako u okviru svojih nadležnosti. Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

13. tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Zaključak o izuzimanju od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec oktobar 2013. godine.

Dozvoljava se stvaranje obaveza Ministarstvu za rad, socijalnu politiku i izbjeglice na ime pokrića troškova prethodnog stečajnog postupka nad JU “Dom penzionera” Zenica u iznosu od 1.500,00 KM (slovima: jednahiljadapetstotina konvertibilnih maraka).

Navedeni iznos iz tačke I. ovog Zaključka isplatit će se iz Budžeta Zeničko-dobojskog kantona za 2013. godinu (“Službene novine Zeničko-dobojskog kantona” broj 19/12), razdjel 20, organizacija 01, potrošačka jedinica 0001, ekonomski kod 614200, KAD 207, pozicija “Ostali socijalni transferi”.

Zadužuju se Ministarstvo finansija i Ministarstvo za rad, socijalnu politiku i izbjeglice da u skladu sa zakonom i podzakonskim aktima realizuju ovu odluku, svako u okviru svojih nadležnosti. Zaključak stupa na snagu danom donošenja.

14. tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Odluku o dopuni Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona

Odluka o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjenu poziciju u reguliranim tijelima Zeničko-dobojskog kantona – Prečišćeni tekst (“Sl. novine Zeničko-dobojskog kantona broj: 2/11 i 14/11) dopunjuje se na način da se iza „POGLAVLJA II. JU „Dom penzionera“ Zenica“ dodaje novo poglavlje koje glasi: „POGLAVLJE II.A JU „Penzionerski dom sa stacionarom“ Zeničko-dobojskog kantona

Član 10.a

(Posebni uvjeti za imenovanje/nominiranje)

Posebni uvjeti za imenovanje/nominiranje Upravnog i Nadzornog odbora JU „Penzionerski dom sa stacionarom“ Zeničko-dobojskog kantona su:

- a) VSS (VII) društvenog smjera, a izuzetno VŠS (VI) ili SSS (IV) za člana Upravnog odbora iz reda zaposlenih u Javnoj ustanovi,
- b) 5 godina radnog iskustva,
- c) da nije član više od jednog upravnog ili nadzornog odbora, odnosno odbora za reviziju,
- d) sposobnost za savjesno, odgovorno i odlučno obavljanje upražnjene pozicije,
- e) sposobnost nepristrasnog donošenja odluka,
- f) komunikacijske i organizatorske sposobnosti,
- g) sposobnost tumačenja ekonomskih i pravnih analiza i propisa,
- h) rezultati rada ostvareni tijekom poslovne karijere i
- i) preporuke ranijih neposrednih rukovodilaca.“

Odluka stupa na snagu danom donošenja i biti će objavljena u „Službenim novinama Zeničko-dobojskog kantona“.

15. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o izuzimanju od primjene dijela Zaključka o utvrđivanju plana novčanih tokova Budžeta Zeničko-dobojskog kantona za mjesec novembar 2013. godine

Dozvoljava se stvaranje obaveza Ministarstvu za obrazovanje, nauku, kulturu i sport Zeničko-dobojskog kantona za 2013. godinu, na razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614300 MAX 002, pozicija „Tekući transfer za sport“, u iznosu od 200.000,00 KM.

Navedeni iznos iz tačke I. ovog Zaključka je planiran u Budžetu Zeničko-dobojskog kantona za 2013. godinu („Sužbene novine Zeničko-dobojskog kantona“, broj: 19/12).

Zadužuju se Ministarstvo za obrazovanje, nauku, kulturu i sport i Ministarstvo finansija da u skladu sa zakonom i zakonskim podaktima realizuju ovaj Zaključak, svako u okviru svojih nadležnosti. Zaključak stupa na snagu danom donošenja.

Premijer je zaključio sjednicu u 13⁴⁷ sati.

**POMOĆNIK
SEKRETARA VLADE**

Haris Hrgić

PREMIJER

Munib Husejnagić, dipl.ing.maš.

ZAPISNIČAR

Alma Hrnjić